

18.3.2026

Ciälkkámuštáttum: Staatáräädi asáttâs sâmi kielâ toimâttuvâst já staatáräädi asáttâs sâmitiggeest adelum asáttâs koomeetmist

Laidiittâs

Riehtiministeriö táttu tii ciälkkámuš hammiittâsâin staatáräädi asáttâssân sâmi kielâ toimâttuvâst sehe staatáräädi asáttâssân sâmitiggeest adelum asáttâs koomeetmist.

Asáttâs sâmitiggeest iävtuttuvvoo komettemnáál já sâmi kielâ toimâttuvâst iävtuttuvvoo adeliđ uđđâ staatáräädi asáttâs. Komettemasáttâs já uđđâ asáttâs adeluuččii čielgâsvuođâ tiet sierâ, tondiet ko uđđâ asáttâs adeluuččij tuše säämi kielâlaavâ vuáđuld. Sâmi kielâ toimâttâhân kyeskee njuolgâdusah pisoččii kuávdái oosij peeleeest siämmán, mut ton čuujootmeh lahâaasâtmân já äššitobdeeorgaanân puohtuuččii ääigi táásán.

Tuáváš

Asáttâs sâmitiggeest lii adelum sâmitiggeest adelum laavâ (sâmitiggelaahâ, 974/1995) sehe sâmi kielâ kevttimist virgeomâháin adelum laavâ (516/1991), maŋeláá säämi kielâlaavâ (1086/2003) vuáđuld. Sâmitiggelaahâ nubástuttui 1.8.2025 vuáimán šoddâm nubástusâiguin (414/2025). Ulmen lii suojâliđ já ovdediđ sâmmilij jiešmeridemvuoigâdvuođâ olášume sehe pyerediđ sâmmilij jieijâs kielân já kulttuurân kyeskee jiešhaldâšem já sâmitige toimâmáhdulâšvuođâid. Uđâdem ohtâvuodâst laavâst meddâlistojii asáttâsadelemvääldih, moh kuoskii sâmitige pargoid, organisaation já tooimân. Sâmitige jiešhaaldâtlii sajaduv tiet lii vuáđustállum, et sâmitiigán kyeskee njuolgâdusah olášuttojeh lavvâin já sâmitige jieijâs tuhhiitem pargo-oornigáin.

Postiosoite Postadress

Oikeusministeriö
PL 25
FI-00023 Valtioneuvosto
Finland

Käyntiosoite Besöksadress

Meritullinkatu 10
00170 Helsinki
Finland

Puhelin Telefon

0295 16001
Internat.
+358 295 16001

Faksi Fax

09 160 67730
Internat.
+358 9 160 67730

S-posti, internet E-post, internet

kirjaamo.om@gov.fi
www.oikeusministerio.fi
www.justitieministeriet.fi

Lahânuvástus ooleest stuárráamus uási sämitiggeest adelum asättâs njuolgâdusâin láá kománâm. Vyeimist láá asättâs sämikielâ toimâttâhân kyeskee njuolgâdusah, moh láá adelum säämi kielâlaavâ vuáđuld.

Ulmeh

Nuvástusah čielgâsmitáččii sehe puávtáččii ääigi táásán asättâstääsi njuolgâdusâid já laidiiččii tom västidiđ nubástum sämitiggelaavâ.

Äigitavlu

Riehtiministeriö táttu, et ciälkkámuš adeluvvoo majemustáá 3.5.2026.

Västidemravvuuh

Kii peri puáhtá adeliđ ciälkkámuš.

Riehtiministeriö táttu, et ciälkkámuš adeluvvoo vuossâjasávt västidmáin ciälkkámuštáttumân ciälkkámušpalvâlus peht.

Ravvuuh palvâlusân registeristum várás já palvâlus kevttim várás kávnorej ciälkkámušpalvâlus siijđoin Ohjeet > Käyttöohjeet (Ravvuuh → Kevttimravvuuh) (kevtteetoorjá: lausuntopalvelu.om(at)gov.fi). Ministeriöh kalgeh ton lasseen vuorkkiđ ciälkkámušpalvâlusâst adelum ciälkkámušâs VAHVA-ääšihaldâšemvuáhádâhân áášán VN/33578/2025.

Jis ciälkkámuš ij lah máhđulâš adeliđ ciälkkámušpalvâlusâst, te ciälkkámuš puáhtá muulsâiävtulávt toimâttiđ ministeriö kirjimkontturân šleđgâpostáin čujottâsân kirjaamo.om@gov.fi tâi poostâ peht čujottâsân PL 25, 00023 Valtioneuvosto (Staatârääđi). Riehtiministeriö táttu, et kirjimkontturân toimâttum ciälkkámušâst mainâšuvvoo äššinummeer VN/33578/2025. Ton lasseen riehtiministeriö táttu, et kirjimkontturân toimâttum ciälkkámuš vuolgâttuvvoo ovdâmerkkân šleđgâpoostâ lahtostiätuvuárkkân Word- tâi PDF-häämist, vâi ciälkkámušäššikirje ij siskeeld taarbâšmettumis persovntiäđuid, tego priivaat ulmuu šleđgâpostâčujottâs.

Puoh adelum ciälkkámušah láá vuolgâsajasávt almoliih virgeomâháá tooimâ almosvuodâst adelum laavâ (621/1999) miäldásávt. Ciälkkámušah almostittojeh haavâ almos hahâsiijđoin (valtioneuvosto.fi/hankkeet, tubdâldâh OM056:00/2025). Priivaat ulmuu ciälkkámuš almostitto kuittâg hahâsiijđoin tiätusyejisuuji kEEžild tuše, jis persovn tom kirjálávt táttu ovdâmerkkân jieijâs ciälkkámuš ohtâvuodâst tâi ton laidiiättâsviestâst.

Ton lasseen puoh ciäkkámušpalvâlusâst adelum ciäkkámušah, fáárun luhâmáin priivaat ulmui ciäkkámušah, láá automatlávt puohâi uáinimnáál ciäkkámušpalvâlusâst. Ministeriö ij almostit kirjimkontturân toimáttum ciäkkámušâid ciäkkámušpalvâlusâst.

Ciäkkámušâst ij koolgâ almottiđ taarbâšmettumis persovntiäđuid. Veikkâ priivaat ulmuu kirjimkontturân toimâttum ciäkkámuš ij almostittuuččii viermist, te ciäkkámuš lii ministeriöst puohâi finnimnáál virgeomâháá tooimâ almosvuodâst adelum laavâ miäldásávt.

Lasetiäđuh

Ráđádellee virgeolmooš Jasmiina Jokinen, [jasmiina.jokinen\(at\)gov.fi](mailto:jasmiina.jokinen(at)gov.fi), puh 0295 150 056